

INUIT ATAQATIGIIT

INATSISARTUNI



UKA16/7
21.november 2016
Peter Olsen

2017-mut aningaasanut inatsisissatut siunnersuut.

(Aningaasaqarnermut Aatsitassanullu Naalakkersuisoq)

Siullermik oqaaseqarpaallalertinnata ukiumut qaanngiutilersumut, suleqatigisimasatsinnut tamanut, qujanarujussuaq, ukiaq manna ataatsimiiffigisimasarput pikkunartoq, nuannersoq pissanganartoq, pissarsiaqarfiulluarsimmasorlu kiisami qaanngiutiinnalikaseqaaq.

Minnerunngitsumik atorfilitatsinnut tamanut, nutserisunut, ataatsimiisitaliat allattaannut, ig-gavimmi sulisunut, allaffinni ikiortasunut kikkunnut tamanut il.il. qujanarujussuaq.

Ulapporingaarlusi sullaringaarlusi, naammagittangaarlusilu kiffartuullatalu sullittarsinnaasimagatsigut.

Qujanarujussuaq...

Aamma partiinut tamanut qujanarujussuaq suleqatigiilliuarsimanitsinnut avitseqatigiilliuarsimanitsinnullu; Angerlalerussi angerlamut apuulluarnissassinnik kissaappassi, qanortoq ilaqtannguasilu tamassi, juullip tipaatsunnartuanit misigitinneqarumaaritsi

Juullimi tamassi pilluassamaaritsi ukiumullu nutaamut iserluarisi.

Tamaavissunut tamassinnut qujanaq qujanarujussuaq maqaasinassagaasi ☺

Soorlu...

2017-mut aningaasanut inatsisisap aappassaaneerneqarneranut tunngatillugu oqaaseqaatis-sinni ilaatigut ima oqarsimasugut:

Inuit Ataqatigiit illuatungiliuttuunita nalaani, illuatungiliunniaannarluta, illuatungiuliuttunerput atorluarlugu sunut tamanut saqqummiunneqartunut akerliuniaannarluta itigartitsiniannarlatalu illuatungiuttuusimanngilagut.

Inuit Ataqatigiit partiuvugut piviusorsiortut, suleqataarusussuseqartut, akisussaaffimmillu tiguseqataanissatsinnut piareersimasut.

2017-mut aningaasanut inatsisisssap suliarineqarnerani, isumaqatigiinniarnerenilu oqaloqataaliuartarsimavugut peqataalluartarsimallatalu. Inuit Ataqatigiinnilu peqataanissarput, akisussaaffimmillu tiguseqataanissarput anersaaralugu piareersimaffigalugulu isumaqatigiinniarnerit tamaasa ingerlattarsimavagut.

Pissangalluta qilanaarlatalu inatsisisap naammassineqarnisaa utaqqiinnalersimallugulusooq.

Taamakkaluartoq.... Naatsumik oqaatigissagaanni soorlu naluneqanngitsoq;

Isumaqatigiinniarnerit nalaanni, piffissaq kingulleq atorlugu naalakkersuisooqatigiit ajalusoorput nutaanillu naalakkersuisoqatigiittoqalersimalluni. Tamatumma kingunerisimavaa allanguutissanik nutaanik saqqummiussinissaq, piffissarlu kingulleq atorlugu sukkasuupilorujussuarmik nutamik isumaqatigiinniaqqinnissaq.

Taamaakkluartoq nuannaarutigalugu oqarsinnaasorivunga, isumaqtigiinniarneq kingulleq nuannersumik pissarsiffiulluartumik, angusaqarfifulluartumillu ingerlasimasoq.

Taamaattumik Inuit Ataqatigiinniit isumaqtigiinniarmanitsinni, angusimagut pillugit naammagisimaarinnilluinnaqqissaarnerput nuannaarutigatsigu oqariartutigerusupparput.

Piffissaq manna iluatsillugu Naalakkersuisunngortunut nutaanut suleqatigiilluarsimanitsinnut qujanarujussuaq, suleqatitaatsinnullu Siumukkunnut Partii Naleqqakkunnullu. Qujanaq qujanarujussuaq suleqatigiillualersimanitsinnut.

Aningaasanut inatsisisakkut uggunakkut, maannakkut akuersissutiginialikkatsigut, takutipparput saamerliit suleqatigiilluarsinnaanerput, pitsasullu tungaanut pingaarutilimmik saqeriartoqarsinnaanera aamma takutissinnaallutigu.

Isumarput malillugu, aningaasanut inatsisisaq inuppalaarnerulersillugu, inunnulu qanilaarnerulersillugu kissalaarnerulersillugulu.

Isumaginninnikkut annertuumik nukittorsaanissamik pingartitsisoq, meerartatsinnik, inuussuttuarartatsinnik, innarlututilittatsinnik, utoqqartatsinnillu nukittorsaanissamik annertuumik pingartitsisoq anguniagaqartorlu.

Meeqqat napparsimasut, kræfteqartut, uummalluttullu pillugit, ikiorniarlugillu suliniutissanik pitsangorsaataasinnaasunik pingartitsisut.

Inuit naligiinnerulerissaannik, ikiortariallit ikiorneqarnissaannik, pissakinnerusullu illorsorneqarnissaannik pingartitsisut anguniagagartullu.

Qujanaq IA, Siumut, Partii Nalerarlu....

Kiffartuussinissamut isumaqtigiisummut tunngatillugu, tamatumunnga tunngasoq nassuitsumik sallaatsumik oqaatigissagaanni suliarineqarsimanera ajorluinnaqqissaarpoq, akuerineqarsinnaanngilarlu. Aatsaat taama isumaqtigiisummiik suliamik ajortigisumik takusaqarunarpugut. Tamanna uggornarpoq ajuusaarnarluinnaqqissaarlunilu.

Aallaqqaataaniilli apedqusersortorsuarsimavarput, akuersaarsimanngilarput, naggataatigullu allaat peqataaffigumasinngikkaluarlutigu.

Allaat kissaatiginarnerpaatissimagaluarlutigu, isumaqtigiissutaasimasup atorunnaarsinneqarnissaa nutaamillu isumaqtigiissusiortoqarnissaa.

Tassa kisianni paasiniaanitsinni paasivarput taamaaliortoqassagaluarpat ajoraluwartumik akisupilorujussuanngorsinnaasoq nunatta karsianut, allaat mio.kr. 100-rujunik arlalinnik naleqarsinnaasimalluni. Taamaattoqarsimassappallu....

Inuiaqtigii akiligassat tungaasigut nammatassarpssuaqareerpugut, taakkualu saniatigut 100 milliunilikkaanik nammakkiusseqqinnissaq Inuit Ataqatigiinniit akisussaassuseqanngitsulior-nertut, akuersaaneqarsinnaannaanngitsutullu isigaarput.

Akisussaassuseqanngitsumillu iliuuseqarnissaq Inuit Ataqatigiinniit peqataaffiginianngilluin-naqqissaarparput.

Taamaattumik allamik pitsaanerusumik toqqagassaqannginnatta, toqqarsinnaasatta tullia, tassalu pitsaanerup tullia toqqaannartariaqalersimavarput.

Taamaakkluartoq oqarsinnaasorivunga angusimasarput aamma ajoriinnagassanngitsoq;

Neriorsuutigisimasarput malillugu pitsangorsaataasinnaasunut ukiumut 19.1 mio.kr.-nik aningaasaleqittoqarnissaa peqataaffigisinnaagatsigu nuannaarutigaarput.

Isumaqtigiissutaaqqaarsimasumut siullermut naleqqutissagaanni, pitsanngoriaataasimasut makku taakkartorneqarsinnaapput:

Kujataani qulimiguullit ullumikkutut marlungortinneqarput, ullumikkutullu ukiuunerani qaammatini sisamani qulimiguulinnik tикинneqartarsussangorlutik, taassuma saniatigut annaasaqarsinnaanermut sillimmaassiоqarsinnaalerpoq, namminerlu pisuussutiginngisamik unnuissagaluaraanni nammineq akiligassaajunnaarluni akiliunneqarsinnaanngorneq periar-fissaalersinneqarluni.

Qeqertarsuup Tunuanut tunngatillugu ullumikkutut ingerlaneq allanngortinneqassanngilaq, qulimiguulimilli angalaneq 30 %-mik akikillineqassaaq, taassuma saniatigut annaasaqarsinnaanermut sillimmaassiоqarsinnaalerpoq, namminerlu pisuussutiginngisamik unnuissagaluaraanni nammineq akiligassaajunnaartussanngussalluni.

Kiffartuussinissamik isumaqtigiissummut tunngatillugu piumasaqaatitta ilaat tassaavoq, isumaqtigiissut una pineqartoq, ukiuni sisamaannarni taamaallaat atuutsinneqassasoq, tullianilu taama ajortigisumik isumaqtigissuteqartoqaqqinnginnissaa sakkortuumik naalakkersuisoqatigiinnut kaammattuugisimavarput.

Taassuma saniatigut nuannaarutigilluinnakkatsinnik angusimasatta ilaat makkuusut saqqummiukkusussinnaavakka:

- 2 mio. kr. (ukiumut) Meeqqat inuuusuttullu isumaginninnikkut nuna tamakkerlugu pilersaarusiornissaq timitalersuinissarlu – ukiut sisamat ingerlanerini katillugit 8 mio. kr.
- 2 mio. kr. (ukiumut) MIO paassisutissanik katersinissaannut angalanissamut iliuusissanullu tapiissutit – ukiut sisamat ingerlanerini katillugit 8 mio. kr.
- Ukiuni tulliuttuni sisamani Meeqqat atuarfiini atuartitaanermut pitsanngorsaanissamut aningaasaliinissaq, 8 mio.kr.-nik
- Meeqqat inuuusuttuaqqallu pillugit siusinaartumik iliuuseqarnissamut suliniuteqarnissamut ukiuni sisamani katillugu 36,5 mio.kr.
- Isumaginninnikkut aqtsisoqarfiup pilersinneqarnissaanut 17 mio.kr. aningaasaliissutigineqarput.
- Droning Ingridip napparsimavissuani meeqqanut immikkoortortap allilerneqarnissaanut 8,2 mio.kr. 2017-mi aningaasaliissutigineqarnissaat.
- Timersornikkut kultuurikkullu siuarsanissamut aningaasaliissuteqarnissaq:
 - a. Sinerissami arsaattarfinnik ivigaaraasilinnik sanaartortoqarnissaa siunertaralugu aningaasaliissuteqarnissaq 600.000,-nik.

Tamakkuupput ilaagitugt uagut Inuit Ataqatigiinniit angusarisimasatta ilaat.

Taamaattumik aningaasanut inatsisisaq 2017-mut tunngasoq, isumaginninnikkut annertuumik nukittorsaanissamik pingaartitsisoq; meerartatsinnut, inuussutuarartatsinnut, napparsimasortatsinnut, utoqqartatsinnullu tunngasunik suliniutinut nukittorsaataasinnaasunik annertuumik pingaartitsisoq anguniagaqartorlu peqataaffigisinnaagatsigu nuannaarutigaarput.

Taamatut oqaaseqaateqarluta, suleqatigiilluarsimanitsinnullu uummammik pisumik qujalluta, aningaasanut inatsisisaq 2017-moortoq nuannaarluta akuerseqataaffigissavarput.

Qujanaq.
Peter Olsen